

## Un sisteme informatic pe filiere agrienergjetiche

Si clame "X-plan" il sisteme informatic che, traviert la simulazion di aspiets produtifs, economics, energetics e di impat sul ambient, al è in stât di supuartâ lis decisions sedi di gjenar strategiche che operatîf



de bande des aziendis agri-energetic-zootecnichis. "X-plan" al è tra i risultâts dal progjet di ricercje "Filiere agri-energetichis in Friûl Vignesie Julie" de Universitât di Udin, coordinât dal professor Francesco Danuso e finanziât de Regjon, che al è stât presentât dilunc di un incuintri ai 25 di Zenâr in ocasion di Agriest Focus Tech.

"Il progjet – al sclaris Francesco Danuso, docent dal Dipartiment di Sciencis agrariis

e ambientâls dal ateneu – al è finalizât al miorament de prestazion de filiere agri-energetiche, cul otgniment dai obietfs di sostignibilitât economiche, energetiche e ambientâl, acuiside a nivel aziendâl e cuntune miôr planificazion dai teritoris. "X-plan" al è in stât di valutâ i risultâts e il nivel di pericol par configurazions aziendâls e teritoriâls alternativis, in funzion dal sodisfasiment di obietfs economics, energetics e ambientâi". Secont il plan di disvilup rurâl, la aziende agricole vuê e à un rûl multifunzionâl inte realizazion di prodots diversificâts destinâts ae alimentazion animâl, umane, aes produzions energetichis e servizis eco-sistemics par aumentâ la sigurece e il benstâ de coletivitât.

Chest sisteme complès che al à une configurazion che e varie in relacion aes kundizions esternis, par Franco Rosa, docent dal Dipartiment di Sciencis dai aliments dal ateneu e tra i organizadôrs dal incuintri, "al determine la vitalitât de aziende, la sô capacitât di cressite e di adatament o la sô sparizion". Une soluzion pe diversificazion dai redits de aziende agricole e pe multifunzionaltât dal setôr primari "e je rapresentade des produzions agri-energetichis che, par puartâ reâl e seguitîfs beneficis, a àn di jessi planificadis in funzion dal contest specific pedo-climatic, organizatîf, e istituzionâl tignint in considerazion la sostignibilitât economiche, energetiche e ambientâl"